

Protocol da la radunanza generala dal

## LÖ D'INSCUNTER LAVIN



als 15 marz 2017, a las 20:15h al hotel Staziun a Zernez

S-chüsats: Nino Bisaz, Dumeng Duschletta, Christian Fanzun, Waltraud Hitzberger, Otto ed Annamaria Huber, Erica König, Mengia Fila Luzzi, Gion Peider Mischol, Thomas Nievergelt, Cilgia e Buolf Nogler, Verena ed Ernst Oberli, Mathilda Pernisch, Flurinda Raschèr, Aita e Jachen Zanetti

Preschaints: 27 personas (vair la glista da preschentscha acclusa) e nos president Jachen Erni

### **Bivgnaint**

Nos president Jachen Erni das-cha salüdar a 27 personas a la radunaza generala. El manzuna cha'l Lö d'inscunter Chasa Fliana das-cha festagiar quist on il giubileum da 60 ons. Spezialmaing salüda el al fundatur e commember d'onur dal Lö d'inscunter sar Rico Parli.

### **Tscherna dombravuschs**

Linard Mayer vain elet sco dombravuschs.

### **Approvar il protocol da la radunanza generala dals 9 marz 2016**

Il protocol da la radunanza generala dals 9 marz 2016 vain preelet ed approvà.

### **Approvar il rapport da gestiun**

Il president Jachen Erni dà ün sguard inavo sül on da gestiun :

El manzuna in seis rapport ils puncts culminants dal on 2016, ils cuors da duonnas e quels dals paur e las sezzüdas da suprastanza. El declera cha la situaziun finanziala da nossa società s'haja stabilisada, ingrazia a tuots pel sustegn e manzuna, ch'el as santa privilegià da das-chair star avant ad üna società chi saja activa fingià daspö 60 ons ed haja üna grond'importanza per nossa regiun. (Il rapport es acclus a quist protocol).

Il rapport vain approvà unanimamaing.

## **Rendaquint 2016, rapport revisurat**

Nos president preschainta il rendaquint 2016.

Las entradas s'amuntan a CHF 115'028.95 (budget CHF 66'380.-).

Inclus in quel import es ün'entrada extraordinaria da CHF 43'639.20 tras legats chi sun gnits scholts (Legat Hänz e Pinösch - minchün cun CHF 10'000.-). Quists legats nu vaivan ingünas cundiziuns a regard l'adöver da quels.

Il legat Bass vaiva la cundiziun da financiar ils viadis dals partizipants da la Val Müstair chi frequaintan nos cuors. Da quist legat es gni amortisà ün import da CHF 23'639.20.- pels ons passats.

Las expensas s'amuntan a CHF 74'182.35 (budget 72'126.-)

Quatras resulta ün guadogn da CHF 40'846.60.

Las activas s'amuntan a CHF 465'485.84 ed il chapital agen a CHF 321'145.64.

Üna persuna preschainta dumonda, schi darà alch ledscha chantunala o federala a regard ils legats in quala füss reglà fin cura ch'üna società stò avair amortisà quels raps. Ingün dals preschaints nu sà d'üna tala ledscha.

Ils revisurs da quint, Armon Bezzola e Fadri Häfner, han revis il rendaquint e la contabilità 2016 ed han chattà tuot in fich bun uorden.

Ils revisurs da quint racumondan d'approvar il quint annual e'l bilantsch per l'on da gestiun 2016.

Il quint annual e'l bilantsch vegnan approvats da la radunanza unanimamaing e quatras eir dat dis-charch als organs respunsabels.

## **Approvar il preventiv 2017**

Jachen Erni preschainta il preventiv 2017 chi prevezza pro entradas da CHF 69'030.— ed expensas da CHF 72'456.- ün deficit da CHF 3'426.-.

Il preventiv vain approvà da la radunanza unanimamaing.

## **Fixar las contribuziuns da las commembranzas 2018**

La radunanza decida unanimamaing da laschar la contribuziun annuala sco fin qua : Commembers singuls pajan CHF 30.-, conjugals CHF 50.- e persunas giuridicas CHF 60.-.

## **Propostas inoltradas da commembras o commembers (art. 14, alinea 4 dals tschantamaints)**

Propostas tenor artichel 14 nu sun entradas ingünas.

## **Varia**

Nos commember d'onur Rico Parli ingrazia al president, a la suprastanza ed al cussagl per la perseveranza da cuntinuar cul andamaint da la Fliana.

Nos president ingrazia ad Anna Margaritta e Plasch Filli per lur ingaschamaint d'ürand l'ultim on ed a tuot las personas chi hajan sustgnü ad el e chi s'ingaschan a favur da nossa società. Inavant ingrazia el als preschaints per la cumparsa e das-cha serrar la sezzüda a las uras 21.35.

In buna fai, l'actuara

Annapatrizia Richert-Claglüna

Bos-cha, 16 marz 2017